

Tūtakitia ō tātau kaihaenga

He nui tonu ngā momo kīrehe e mahi ana mō tātau i ia rā, mō te kore utu. Mā te hae i ngā putiputi, ka āwhina rātau i ngā mahi whakatipu huarākau, pīni, nati, kākano hoki. Nā rātau ka matomato ai ā tātau tipuranga kai, otaota māori hoki.

E hia ngā kaihaenga ka kite koe i te wāhi pātata ki tō kāinga?



Ko te tātaka pihiroa

Ko te tātaka pihiroa tētahi o ngā momo rango, tātaka hoki ka nui te wāhi ki a rātau hei kaihaenga mō ngā putiputi, ngā otaota māori, tae atu ki te harakeke.



Ko te ngaro huruhuru

Kei te rite te āhua o te ngaro huruhuru ki te pī mahi miere engari, he iti iho, he pango, kāore hoki he hoto. He poto ngā arero o ngā ngaro huruhuru, koia ka pai ki te whakahae i ngā putiputi māori.



Ko te Pī Mahi Miere

I heria mai ngā pī mahi miere ki Aotearoa i te 150 tau ki mua ki te mahi miere. I ēnei rā, ka whakahae hoki rātau i ngā tipuranga kai mō hoko, pēnei i ngā uru hua rākau.

Ko te tūi

He manu kai waihonga te tūi me te korimako hoki ka whakahae i ngā rākau me ngā otaota māori. Ka rite tonu te rongu i te reo waiata i mua i te kite atu.



Ko te pepe para riki

Ka kitea anaketia ngā pepe para riki ki Aotearoa. He iti rātau, ka tae atu te whānui o ngā parirau ki te 33mm.



Ko te kahukura

Ka kai ngā kahukura i te waihonga o ngā momo ongaonga, me ngā wai rākau o ngā momo tāwai. Ka eke te whānui o ngā parirau ki te 50-60mm.



Ko te pī

E whā ngā momo pī ki Aotearoa. Ka whakahae rātau i ētahi putiputi kāore e taea e ngā pī mahi miere, pēnei i ngā tōmato.



Ko te kahuku

Ka kai ngā kahuku i te waihonga o ngā putiputi wāna me ngā taru waiū. Ka kitea rātau i ngā wā katoa o te tau, ka eke te whānui o ngā parirau ki te 100mm.

